

COMMUNICAZIUN A LAS MEDIAS

Stories of the future: La concorrenza da litteratura per giuvenils è lantschada

L'Uffizi federal d'energia lantscha ina concorrenza da litteratura per giuvenils da 16 fin 18 onns cun domicil en Svizra. Dumandadas èn istorgias curtas cun visiuns interessantas e creativas davart l'avegnir energetic a lunga vista da la Svizra. Il termin final per inoltrar las istorgias è ils 16 da december 2005. La concorrenza "Stories of the future" stat sut il patrunadi da cusseglier federal Moritz Leuenberger. La distribuziun dals premis ha lieu ils 26 da matg 2006 a chaschun dals 28avelis Dis da litteratura a Soloturn.

Cun tge meds da transport giain nus l'onn 2050? Tge tecnologias ed applicaziuns vegnin nus a duvrar en noss mintgadi, per nossa lavur, il temp liber e las vacanzas? Datti anc avunda energia pajabla per tuts? L'Uffizi federal d'energia envida ils giuvenils da metter en scrit lur visiuns davart l'avegnir energetic da la Svizra l'onn 2050.

Ina giuria professiunala dals Dis da litteratura da Soloturn vegn ad eleger las meglras tschintg istorgias, che pon dal reminent vegnir scrittas en tudestg, franzos, talian u rumantsch. Quai che quinta èn l'originalitad, la ritgezza d'ideas e la creativitat sco era la structura ed il stil da l'istorgia curta. Las meglras trenta contribuziuns vegnan publicadas en in cudesch la primavaira 2006. Il termin final d'inoltraziun è ils 16 da december 2005.

La concorrenza è in project da successiun dal "Forum da giuvenils - Perspectives energeticas 2035/2050". Ils resultats da quel èn vegnids preschentads l'onn passà a la publicitad. Cun ses projects per giuvenils vul l'UFE crear ina plattafurma per la giuventetgna e garantir ad ella che sia vusch vegnia era resguardada tar las decisiuns concernent la politica d'energia futura da la Svizra.

Las cundiziuns da participaziun per la concorrenza èn da chattar sin la website www.stories-of-the-future.ch.

Berna, ils 9 da settember 2005

Uffizi federal d'energia

Infurmaziun:

Marianne Zünd, manadra Communicaziun UFE, 031 322 56 75 / 079 763 86 11